

նան փախստական : Երբ փաշային Պոլսէն պաշտօնանկ կ'ընեն , նա կ'ը միանայ Հիւսէյն ալային , որով անմիջապէս նորեկ ուղարկած փաշան (կառավարիչը) նորէն ետ կ' . Պոլիս կը վերագարձնեն :

Սինան անուն Ենկիչար աղասին Վան գալով կը տիրապետէ բերդի վերի մասին , Հիւսէյն աղան կ'իշխէ ներքին մասին : Ենկիչար աղասին թնդանօթներով կը ուժակոծէ Հիւսէյն աղան և չի յաջողիր անոր յողթել : Նախկին պաշտօնանկ փաշա մը , — սասպատակ Զօմարը , կը դաշնակցի Խօշապի բերդի տէր Սիւլէյման բէգի հետ , և իր իշխանութիւնը հաստատելով , օգնութիւն ցոյց կու տայ Ենկիչար աղասուն : Զօմար և Սիւլէյման բէգ կը համարին մինչ Վարազ , ու միարանները չարչարելով , կը կողոպտեն , կը խլեն եկեղեցական շատ ոսկեղէն ու արծաթեղէն անօթներ , որոնց հետ և Ս . Նօանը , ու կը տանին Խօշապայ բերդը : Հիւսէյն աղան — Վանի իշխողը , կը դիմէ իր դաշնակից Եզդին-Շէրին ու կ'ըսէ . Վանի իշխաններն (*) ու Սիւլէյման բէգ իմ թշնամիներն են . ես քո օգնութեան պէտք ունիմ : Ինչպէս կ'երևի , Վանի իշխանները մաս ունեցեր են այս կռիւների մէջ՝ Հիւսէյնին տապալելու համար . ու երբ միացեր են Սիւլէյման բէգին , Վարազայ եկեղեցական հարստութիւնները չեն կամեցեր թողուլ Հիւսէյնի իշխանութեան տակ , ու Խօշապ են տարեր : Այդ կը հաստատուի այն առաջարկէն , որ Սիւլէյման բէգ , կը թելանդրէ իր չրջանի մէջ եղած Հոգուոց — Վանուց Պատրոս վարդապետին , որ Ս . Նշանը Վարազ մնալու փոխանակ՝ Հոգուոց — Վանքը մնայ . բայց Պատրոս վարդապետը նախ կը տարակուսի , և ապա յանձն չառնել , առարկելով թէ անոնց ստացուածքը անոնց կը պատկանի և մերը մեզ : Հայերը այսպէս՝ Քիւրդ Տէրէպէյլիների հետ լինելով բաժան բաժան , եղած են չրջան չրջան , և մինչև անգամ եկեղեցիներ ու կրօնական անօթները կամեցեր են ունենալ իրենց չրջանի մէջ իրրև իրենց իշխանութեան պատկանելի :

(*) Կահնարիէ Հոյերու .